

**Dissertatio inauguralis medica forensis de fallaci pulmonis infantum
experimento / [Wilhelm Traugott Heer].**

Contributors

Heer, Wilhelm Traugott.
Heister, Lorenz, 1683-1758
Universität Helmstedt

Publication/Creation

Helmstadii : Typis Pauli Dieterici Schnorrii, [1732]

Persistent URL

<https://wellcomecollection.org/works/p5bwgck4>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

ID

DISSE
SERTATIO IN AVGURALIS MEDICA FORENSIS
DE
FALLACI
PVLMONIS INFANTVM
EXPERIMENTO

QVAM
GRATIOSÆ FACULTATIS MEDICÆ CONSENSV
PRÆSIDE

LAVRENTIO HEISTERO
MED. DOCT. THEOR. CHIRVRGIÆ ET BOTANIC.
P. P. O. ACAD. CÆS. NAT. CVRIOS. NEC NON REGIÆ
LONDIN. ET BEROLIN. COLLEG. FAMIGERATISSIMO
FACULTATIS SVÆ NVNC DECANO

PATRONO PRÆCEPTORE AC PROMOTORE SVO

OMNI PIETATIS CVLTU DEVENERANDO

PRO GRADV DOCTORIS
PVBLICO ERVDITORVM EXAMINI
EXPONET

IN MAGNO IVLEO

GVILIELMVS Traugott HEER
GOERLICENSIS.

D. VIII AVGVST. A. MDCCXXXII.

HELMSTADII
TYPIS PAVLI DIETERICI SCHNORRII ACAD. TYPOGR.

DECEMEBRE DECEMEBRE DECEMEBRE

PALMONIS INHANTUM
EXPRERIMINTO

GRATIOSE RVCULATASE MEDICE CONSERVA

LAVARENTIO HEBISTATRO
MED.DOCTRETHEGR. CHIRRAREGR. ET BOTANC
RELO AENU OTSE NANT CAROSE. NEGNOX REGE
LONDINE ET BERSONE. SOHTEG. RAMOGENE GURSMO

SAMONOSPAECTPOTORA EFPROMOTORSSO

PROGRADY-DOCTORIS

GAUIFEMW GURDO HEER

CORECICENSE

LUUNINAVANASAA MDECEXXIX

TYUS MULT HERECICE CONSERVA VCYO TISOGE



DISSERTATIO IN AVGVRALIS MEDICA FORENSIS
DE
FALLACI PVLMONIS INFANTVM
EXPERIMENTO.

PROOEMIVM.



Observationum tanta est vis & utilitas in Medicina pariter ac aliis scientiis ad veritatem detegendam, cognoscendam & confirmandam, ut nihil fere certi in scientiis & artibus, præsertim vero in Medicina habeamus, nisi quod per observationes accuratas & experientiam, sæpius præsertim iteratam, recte cognovimus. Experimur contra

quantum illi errent Medici & Philosophi, qui vel ex sola ratione, & sine experientia, vel etiam ab experimentis quibusdam singularibus in universum, in primis de rebus arduis magnique momenti decernere, decidere ac sententiam dicere, imo leges condere volunt perpetuas, quasi res semper, ut ipsi eam viderunt vel audiverunt, se haberet. Multis exemplis tam e Medicina theoretica quam practica,

4 DE FALLACI PVLMONIS

itemque ea vel clinica vel forenſi ſententia hæc facile probari poſſet, ſi prolixitati nunc ſtudere veſimus: verum brevitatem iam ſectantes loco Thematis inauguralis nunc tantum de vexato illo atque multis difficultatibus involuto argumento, pulmonis nimirum infantum experimento in aqua, vivus ſcilicet an mortuus natus fit infans, hic diſſere deque eius ingenti incertitudine & fallacia iam agere conſtitui: quia tam multi ex recentioribus adhuc ſunt Medici & Icti, qui illud pro tam certo atque infallibili ha- bent, venditant ac pronunciant, & ut nunquam fallat certe ſibi perſuadeant, aliisque magno conatu perſuadere ſata- gant. E contrario autem, dum in ſectionibus talium infantum recens natorum, a Clariffimo D. PRÆSIDE & olim & nuper adhuc, me etiam præſente & vidente peractis, talia eaque illis contraria obſervata ſunt, quæ vulgarem hanc ſententiam valde infringunt vel evertunt, & ad falſas hypotheses evertendas, quæ iniquis ſententiis in foro medico & iuridico anſam præbere poſſunt, quamplurimum faciunt, placuit hoc argumentum præ aliis loco diſſertationis inauguralis feligere, ac diligentius paulo ad rationis & expe- rientiæ lanceū excutere; licet non ignorem, a multis iam hac de re multum dictum ſcriptumque eſſe, aliis hoc expe- riementum laudantibus atque pro certiſſimo & infallibili habentibus, a) præſertim qui obſervationibus idoneis deſtituti erant; aliis vero illud impugnantibus & pro fallaci & incerto id merito habentibus, b) ut hac ratione veritas a non-

a) Ut REYERVS *Miscellan. Natur. Curios. Dec. I. ann. VII. obſerv. 202.*
SCHREIERVS *libell. german. de hoc argumento. AMMAN. Prax. vuln. lethal. p. 4'4 & seq.* GOELIKVS *in Medicina forenſi pag. 63. Acta Med. Berolin. Tom. IX. art. IV. circa finem. WOLFART in diſſert. de fætu monstroſo, Marburgi habita, pag. 19.* HARVEVS quoque, HIGHMORVS, Th. BARTHOLINVVS ac THRUSTONVS, quos Amman. & Bohnius citant, aliique plures.
b) Colleg. Medic. Witteb. in AMMAN. *prax. vuln. lethal. pag. 429. WEDELI-*

a nonnullis cognita uberius confirmetur, res vero, quæ multis falsa aut saltem dubia visa est, præsertim tanti momenti, ubi de vita humana agitur; novis observationibus probetur, ac firmiter stabiliatur, iisque, qui aliter hucusque sentiunt, veritatis convincantur; id quod multum utilitatis tam ICtis quam Medicis in vero inquirendo & sententia his in casibus dicenda præstare potest, ita ut labor meus forte non futurus sit frustraneus aut supervacaneus. Faxit Deus ut hoc fiat feliciter.

I.

Notius est, quam ut prolixius hic referam, quod experimentum hoc de pulmone infantis in aqua natante vel submergente, quando in foro de infanticidii criminis agitur, inter Medicos &que ac inter JCtos multas lites & disceptationes concitaverit, quando id ipsum adhibuerunt, ut inde explorarent, utrum infans illicita venere conceptus & clandestino partu enixus, si mortuus deprehendatur, ante partum in utero vel sub ipsius enixus conatibus sponte sit defunctus, ut plerumque perhibere solent meretriculæ & crudelis infanticidæ; an vivus & perfectus natus violenta manu interierit. Nam ex his fundamentis Magistratus & Iureconsulti de matre eiusmodi infantis ob commissum homicidium vel punienda, vel a mortis poena, quam Deus alias homicidis quam iustissime decrevit, absolvenda hodie sententiam potissimum pronunciare solent. a)

A 3

III.

DELIVS *ibid. p. 421.* BOHNIUS lib. de vuln. lethal. edit. in 4. diss. de infanticid. p. 171. & seq. & Collegium Med. Wittenberg. *ibidem* citatum. HARTMANN. *dissertat. de origin. anat. p. 33.* ZELLERVS diss. qua docet pulmonum in aqua submersionem infanticidas non absolvvere; TEICHMEYERVS in Inst. Med. legal. D. PRÆSES in programmate A. 1722. hic edito, quod ex pulmonibus fœtus nullum certum indicium desumi possit.

a) Olim infanticidii negotium non per medicas inquisitiones, sed per

II.

Experimentum vero, de quo hic agitur, breviter re-
censebo, postquam paucis ea, quæ prius fieri solent ante-
quam decantatum hoc experimentum instituatur, breviter
commemoravero. Quando nimurum infans deprehenditur
mortuus, clam a scorto editus (ubi semper suspicio est,
scortum sive meretricem infantem interfecisse, ut commis-
sum suum scortationis crimen occultet, & pro virgine ho-
nesta se postea rursus venditare queat) primo examinan-
tur a Medicis prudentibus, qui ad hoc negotium a Magi-
stratu requiruntur, *omnes illius infantis mortui partes ex-
ternæ*; ubi præ omnibus probe attendendum, utrum in-
fans perfectus & probe matus, an præmaturus & adhuc
imperfectus; Deinde num lœsiones quædam externe in sen-
sus incident: ut contusiones, tumores, vulnera, fracturæ,
impressions cranii, funiculi umbilicalis ligatura neglecta
&c. quæ si adsint, probe considerandæ, & ut sunt, recte an-
notandæ. Deinde sensim & curate aperiuntur abdomen,
thorax & cranium, ut constitutio partium sive viscerum in
singulis his contentorum rite observari queat; ubi rursus
curiose attendendum, integræ, an lœsæ sint ille partes: si
que lœsiones quædam in iis deprehendantur, ut vulnus,
contusio, sanguinis effusio, sanguinis in corde & venis de-
fectus, aliave similia, eodem modo, ut externæ rite obser-
vandæ litterisque consignandæ. Inprimis vero, & quidem
non sine ratione, usu nunc invaluit, ut primo *pulmonis co-
lor & constitutio probe observentur*: nam in infantibus & a-
nimam-

per indicia mere legalia decidebatur, ut recte monet BOHNIVS
Diss. de Infanticio, & mulier meretrix, quæ infantem mor-
tuum se peperisse aiebat, hoc aut probare tenebatur, aut si hoc
probare non poterat, ad veritatis confessionem, si in illa assertione
perseverabat, torturæ subiiciebatur, gravata in priuis per hoc,
quod graviditatem occultaverit, & clam pepererit, præsertim ubi
auxilium implorare & obtinere potuerit.

nimantibus brutis, quæ non respirarunt atque extra uterum non vixerunt, color solet esse ex atropurpureus; consistentia vero densior & compactior quam in illis, qui vixerunt, & bene respirarunt, ubi rubicundior plerumque, sive subalba, magis laxa, rara & spongiosa esse solet eorum constitutio, ut **GALENVS** iam observavit Lib. de usu partium.

III.

His vero peractis experimentum illud adeo celebre ipsum sequitur: nimirum ut plurimum pulmo una cum corde, propter arctum inter se nexum, integer exciditur & in magnam ollam vel situlam, vel vas aliud quodcunque satis magnum & amplum aquaque simplici, pura, recenti ac frigida repletum iniicitur: ubi deinde pulmo hic mox vel submergitur & fundum petit vasis, vel aquæ innat. Si pulmo submergitur, & fundum petit, habetur hoc pro signo fœtum extra uterum non vixisse, sed iam in utero mortuum esse: adeoque matrem infantem hunc non occidisse plerumque concludunt eamque a capitis pœna & tortura absolvunt. Sin vero non submergitur, sed aquæ innat, fœtum extra uterum vixisse ac respirasse concludunt; adeoque postea mater in suspicionem infanticidii incidit, eiusque rea agitur. Observandum vero ut vas, cui talis pulmo iniicitur, sit satis magnum & amplum & aquæ copia satis larga & sufficiens: alias experimentum facile fallere & non rite succedere potest.

IV.

Vt vero ratio huius phænomeni constet, sciendum, fœtum in utero materno aquis & membranis suis, quasi in magna vesica bubula, inclusum, respirare, id est aërem pulmonibus trahere non posse; quia in gravidis non solum os uteri a copiosa glutinosa substantia sive humore glutinis ad instar tenaci accurate & firmiter clauditur, ut aër nullus penetrare aut in uterum pervenire queat: verum etiam fœtus

tus membranæ chorion nimirum & amnios, quibus quasi in vesica dupli, densa includitur, aërem nullum transmittunt, quemadmodum observamus vesicas animalium nullum aërem, licet etiam satis larga vi in eas impellatur, transmittere, adeoque etiam respirare nequit: quam etiam ob rationem factum est, ut Deus, sapientissimus corporis nostri architectus, peculiares quasdam vias prope cor efformaverit in fœtu, foramen nimirum ovale & canalem arteriosum dictum, ut sanguis, qui in respirantibus sive extra uterum viventibus per pulmones ab aëre valde expansos ac dilatatos fluit, hic ubi pulmones omnino collapsi sunt, ut sanguinem libere transmittere non possint, per alias vias sive ductus modo nominatos, foramen scilicet ovale & canalem arteriosum, transeat circumque suum in fœtu, quam diu in utero est, commode perficiat: quibus viis alias animalia non indigissent, si in utero respirare potuissent, quæ vero viæ, postquam infans natus est, brevi coalescunt usumque pristinum amittunt.

V.

Sunt quidem nonnulli & inter hos in primis, SCHREYERVS, qui in libello germanico de hoc, quo hic agimus argumento a), sustinere vult, *fœtum non vivere antequam respiret*, atque respirationem ad vitam absolute esse necessariam, contendit. Ita & aliis quasi axioma est medicum, *vitam & respirationem pari passu ambulare*; id est, unam sine altera esse non posse, unaque absente alteram quoque abesse. Verum hæc sententia apud infantes in utero valde absurda est: quia ex motibus atque calcitratioibus fœtus in utero, quæ tam a gravidis, quam ab aliis, qui manum abdomini ipsarum imponunt, satis manifeste constat, fœtum

a) Titulo: Ob es ein gewiß Zeichen sey, daß wenn eines todten Kindes Lunge, in Wasser untersinket, solches in Mutter Leib gestorben sey, & vice versa, wenn die Lunge im Wasser schwimmet, es alsdenn gewiß gelebet habe. &c.

tum vere vivere, seque s̄rpe satis fortiter movere, antequam respiret aut natus sit. Alius isque gravis autor, fœtum respirare in utero contendit eo aere, qui per sanguinem matris ad fœtum, & ex hoc in cavum amnios perveniret. Quantis vero difficultatibus prematur hæc respiratio, quilibet facile, qui novit, fœtum totum liquoribus sive humoribus immersum esse, iisque cingi, qui aëris ingressum impediunt, ut alias rationes nunc taceam, intelligere poterit.

VI.

Igitur quia plerique Medici, qui experimentum hoc cum pulmonibus animalium & hominum, qui extra uterum non vixerunt, sed in utero vere mortui sunt, imo cum abortibus quinque vel sex mensium, qui aptissima subiecta non sunt pro his experimentis, instituerunt, a) re vera pulmones eiusmodi infantum, ac animalium plerumque, si non semper, submergi observarunt, inde concluserunt, hoc experimentum semper esse verum, adeoque certissimum atque infallibile, quia infantes in utero non respiration: quemadmodum HARVEVS, HIGHMORVS, TH. BARTHOLINV, THRVSTONVS, REYERVS, SCHREYERVS, WOLFARTVS, aliique fecerunt. Contra si pulmones natarunt sive fluctuarunt in aqua, quia videmus, pulmones hominum, infantum, aliorumque animalium, quæ extra uterum vixerunt ac respirarunt, licet ex bobus, equis, hominibus adultis aliisque animalibus maioribus satis magni & ponderosi sint, & tamen aquæ innatent nulloque modo in fundo aquæ, sive vasis detineri queant, idemque fere semper in infantibus eisque etiam junioribus, qui vix per unicum diem vel horam, imo vix per unicum momentum temporis aliquando perfecte spirarunt, obser-

B

vetur

a) vid. WOLFART. *diff. supra citata pag. 22. § 23.* aliique quam plurimi.

vetur, regulam universalem omnique exceptione maiorem
inde efficere sive condere voluerunt, ac si nullus prorsus
infans, nullum prorsus animal, nec per momentum horae vi-
vere aut spirare posset, ubi postea pulmones non natarent: imo
cum observarent, quando vel semel etiam flatus per tubu-
lum anatomicum ore in eiusmodi pulmones infantum, aut
animalium, quæ mortua ex utero provenerunt, & qui
modo adhuc fundum petierunt in aqua, immittatur,
mox illos pulmones aquæ innatare, nulloque modo, nul-
la arte, nullaque compressione aërem illum ore vel semel tan-
tum immisum, ita rursus expelli posse, quin pulmones,
postea continuo natent, & non amplius fundum pe-
tant. a)

VII.

Verum quamvis has observationes atque experimen-
ta laudatorum virorum non negemus, illa tamen universa-
lia, omnive exceptione maiora esse iis concedere minime
possimus, atque eorum experimenta & observationes, ob-
servationibus & experimentis contrariis infringimus ac li-
mitamus, demonstrando illa minime esse universalia & apo-
dictica, autoritatesque sic & observationes auctoritatibus
& observationibus opponimus contrarias, quæ illas univer-
salia esse non concedunt. Ita enim celeberr. ZELLERVS,
Professor Tubingensis, Archiater & Consiliarius intimus
Serenissimi Duci Wirtembergensis, iam diu peculiari dis-
sertatione & exemplis demonstravit, b) pulmonum in aqua
submersionem, infanticas non absolvere, pulmonumque
submersionem nullo modo certum esse signum, animal aut fœ-
tum extra uterum non vixisse: quia subinde animal illud ob
debilitatem non satis fortiter inspiravit, ut pulmones eo
ipso satis, quantum scilicet ad natandum requiritur, aere
fue-

a) Vid. REYERVS, SCHREYERVS, AMMANNVS, GOELIKIVS,
locis citatis aliquique.

b) Primo Tubingæ, An. 1691; postea vero Halæ rechfa: An. 1725.

fuerint repleti & expansi; vel quoniam interdum durities, scirrus, tumor in pulmonibus, vel multa tenax & crassa pituita aliave causa eos tam graves & ponderosos reddere queat, ut licet animal vixerit satisque diu respiraverit, pulmones tamen predictam ob causam natare non possint, sed submergantur. Cui sententiaz etiam subscribit Doctiss. BOHNIVS: a) qui similiter & observationes & rationes adducit, quæ hanc sententiam confirmant, aliquique varii iam supra laudati.

VIII.

Si quis igitur ex submersione pulmonis iudicaret, factum talesmodi pulmone praeditum non respirasse, adeoque extra uterum non vixisse, ille experientiaz sane repugnaret & graviter profecto is subinde erraret; cum revera eiusmodi infans vi quadam externa posset esse occisus, pulmones vero propter vitium quoddam aut peculiarem quandam aliam causam, de qua infra plura dicemus, fundum peterent. Ita enim (ut a maiori ad minus argumentemur) Cl. D. Praeses cadaver iuvenis septendecim annos nati & ex phthisi demortui, quondam Altorfii secuit: cuius vero pulmones, ob duros in eis repertos tumores, cum aquaz iniicerentur, fundum petebant; licet minime dubitandum sit, iuvenem, qui septendecim annos vixit, interea temporis etiam respirasse, aëremve pulmonibus hausisse: quemadmodum observationem hanc iam descripsit in programmate anatomico, supra indicato, quo iam ostendit, *ex pulmonis innatatione vel submersione in aqua nullum certum infanticidii signum desumi posse*: Sicut eiusmodi etiam exempla, ubi pulmones eorum, qui revera vixerunt, submersi sunt, non solum ZELLERVS in laudata dissertatione adducit; verum etiam VALENTINVS in Pandect. Medico-Legal. itemque BOHNIVS dissert. de infanticidio, von HOORN,

a) Dissert. de Infanticidio.

Suecus, in suis epistolis hoc de argumento lingua vernacula Holmiæ An. 1718 editis, aliique. Hinc constare potest, quod si similis pulmonum infantis constitutio observetur, manifesta vero vel saltem valde suspecta violentæ manus aut cædis indicia adessent, infanticidam ob pulmonis submersionem non esse absolvendam nec a tortura liberandam: quemadmodum etiam in quibusdam casibus a ZELLERO & BOHNIO descriptis, factum est; ubi infanticidæ tandem vitam infantis eiusdemque cædem confessæ sunt.

IX.

Vt vero hunc errorem vulgarem, a quo hactenus varij etiam ceteroquin haud indocti viri abduci ac revocari non potuerunt, adhuc ulterius manifestem, atque non nulli forte regerere possent, pulmonum scirrhosam dispositionem eiusmodi limitationem vel exceptionem quidem efficere quandoque posse; verum id vix in infante recens nato expectandum vel metuendum esse: imo quia nonnulli adeo tenaces huius sūx sunt sententiæ, eaque ita præoccupati sunt, ut ZELLERI, BOHNII, Clariss. Præsidis, aliorumque productas observationes notatu dignissimas, ipsorum sententiæ contrarias, nescire simulent, adeoque eas non impugnant, imo ne quidem mentionem earum faciant, quasi nunquam scriptæ aut observatae essent, voluntque sic, ut ipsorum sententiæ solum fides habeatur, exemplum sive observationem novam, quæ forte omnes præcedentium scriptorum laudatorum observationes vi demonstrandi superat, adhuc producam, quam ipse meis oculis haud pridem, in præsentia multorum & Iuris & Medicinæ Studiosorum, hic Helmstadii apud Clariss. D. PRÆSIDENTEM in sectione duorum infantum recens natorum vidi.

X.

Nimirum superiori mensis Junii huius anni die nono vesperi circa horam undecimam D. PRÆSES hic ad parturien-

turientem vocabatur mulierem, partu difficile ex situ fœtus incongruo laborantem: ubi fœtus manum imo totum brachium sinistrum excerebat ex uteri vagina, iam lividum ac frigidum, fœtusque iam per unam alteramve horam in hoc situ mortuus erat, ut ab obstetricie, parturiente ipsa & mulieribus adstantibus certior fuerat factus. Quoniam vero aliud remedium pro parturiente liberanda hic non erat, quam ut infans arte chirurgica inverteretur & educeretur, Clariss. Dom. PRÆSES illum manu, sine instrumentis, pedibus arreptis, integrum at mortuum educebat, qui puerulus fuerat. Verum ex parturientis ventre adhuc magno alium fœtum in utero superesse mox iudicauit; qui etiam post quadrantem horæ in situ naturali ac consueto in uteri vaginam veniebat, atque tandem, quia mater a laboribus partus prægressis valde lassa ac debilis erat, ut ipsum sola expellere non valuerit, levi manuum adminiculo protrahebatur, qui erat sexus feminini & tam debilis, ut eum quoque mortuum esse primo intuitu iudicarent præsentes. Attamen cum occupatus postea esset Dom. PRÆSES in secundinis extrahendis, id, quod circa horam duodecimam contingebat, aliquem infantis motum in artubus, aliquamque vocem sive vagitum præsentes omnes perceperunt; quare funiculum umbilicale resécandum & ligandum curavit per præsentem obstetricem, quo melior mox cura huius debilis infantis haberri possit, donec tandem secundinæ, in quibus, ut plerumque in gemellis esse solet, duplex fuerat funiculus umbilicalis, quoque prodirent.

XI.

Puella hæc recens nata postea more consueto lavabatur ab obstetricie, linteisque involvebatur; quæ vero dum agerentur, infans non solum motus membrorum omnium, verum & vocem, sive vagitum, attamen debilem, sæpius edebat, ita ut eum vivum esse omnes satis cognoscerent.

D. PRÆSES vero, postquam ea, quæ apud pauperes ad roborandum fœtum ordinari solent, adhiberi iussiferat, domum redibat. Sequenti die hora matutina septima per domesticos suos in ædibus puerperæ percontari iussit, quomodo & puerpera & infans se haberent; ubi nunciatum ipſi est, puerperam satis bene valere, infantem vero vivere quidem, adhuc ut heri; verum ipsum valde debilem esse. At hora nona iam audita, obstetrix & affines puerperæ ad D. PRÆSIDEM venerunt, puellamque modo animam emisisse nunciarunt. Quæ cum ita essent, rogavit per hos nuncios parentes, ut utrumque fœtum pro anatomicis exercitationibus sibi concederent, id quod etiam fecerunt: ubi mox a meridie, hora secunda, utrumque cadaverculum in ædibus suis, præsente magna studiosorum corona, inter quos & ego testis sui oculatus, secebat.

XII.

Et primo quidem in cadavere puelli, qui primus isque mortuus educebatur, monstravit nobis situm præter naturam, quem hic fœtus in utero obtinuerat, & qua ratione eum eduxerit, edocuit. Postea funiculum umbilicale & vasa umbilicalia in funiculo hoc demonstravit, usumque harum partium exposuit. Deinde aperto abdomine originem arteriarum umbilicalium ex arteriis iliacis, finem vero venæ umbilicalis in hepate ostendit. Porro situm, magnitudinem, & constitutionem viscerum omnium abdominis & qua in re ab adultorum differant. Præterea liquorem gelatinosum pellucidum in ventriculo, ei haud absimilem, qui fœtum in amnio inclusum ambit, atque quomodo meconium nigrum intestina crassa omnino repleverit: ex quibus phænomenis nutritionem fœtus in utero per os explicavit. Denique pectus quoque aperuit, ubi præter alia, pulmones densos, nigricantes, & collapsos prorsus conspicere licebat, qui excisi & aquæ iniecti, mox fundum petebant; quem-

quemadmodum ut plurimum fieri solet in infantibus, qui in utero mortui sunt, antequam spirarunt.

XIII.

Postquam vero huius fœtus demonstrationem absolvverat, ad alterius INFANTIS, QVI PER NOVEM INTEGRAS HORAS VIXIT, sectionem ac demonstrationem progressum fecit: ubi circa partes, quæ in funiculo umbilicali, & ventre infimo sunt, nihil peculiare aut notatum dignum erat, nisi quod ventriculus & intestina, quæ in priori fœtu omnino collapsa fuerunt & ab aëre vacua, hic ab aëre aliquo modo impleta & distenta essent, quæ ego inde factum esse existim, quia infanti varia bibenda ac deglutienda pro eo refocillando ac roborando dederant, cum quibus sine dubio aërem una deglutivit, qui ventriculum & intestina aliquo modo expandebat. In thorace etiam nulla notatu digna diversitas occurrebat; & quamvis hic infans, ut iam diximus, per novem horas, ab hora nimis duodecima nocturna, usque ad nonam matutinam vixerat, tamen tam in corde, quam in pulmonibus, vix & ne vix quidem notabilem differentiam observare potuimus. Speravimus tamen in experimento cum pulmonibus huius infantis in aqua nos longe alia, quemadmodum etiam spem fecerat D. PRÆSES, visuros esse, quam in priori; adeoque etiam pulmones, una cum corde e cadaverculo hoc extraxit, & in eandem aquam, in qua antea experimentum cum priori pulmone factum erat, eas coniecit, ea intentione, ut nobis ostenderet, quomodo pulmones infantum, qui extra uterum vixerunt, natarent.

XIV.

Sed quid factum est? cum stupore & admiratione pulmo hic, cuius infans per novem integras horas vixerat, se commoverat, vagiverat, quemque certe aquæ innatatum

rum

rum speraveramus, æque promte atque eadem prorsus celeritate & ratione, ut prioris infantis pulmo, fundum valis (quod magna olla erat aqua repleta,) petiit, & postquam aliquoties exemptus, & denuo quam blandissime aquæ impolitus erat, tamen mox semper rursus, ut infantis, qui non respiravit pulmo ad fundum delapsus est. Suspicatur D. PRÆSES scirrhum forte, duritiem aliudve præter naturam aut morbosum hoc in pulmone existere. Verum omni quamvis adhibita accuratione & diligentia, nihil prorsus eiusmodi videri, tactu explorari, aut observari licet, sed pulmo apparebat ubique sanissimus, & sine omni vitio. Hoc cum mirabundi omnes aspiceremus, unus errat ex comilitonibus, nescio quis, qui scrupulum iniiciebat D. PRÆSIDI, an non corculum, hisce pulmonibus adhuc innexum, pulmonem ad fundum traheret. Itaque & hoc separavit, & resecavit a pulmonibus Cl. D. PRÆSES, hosque deinde iterum blande aquæ imponebat: verum ut antea summa cum admiratione mox ad fundum descendebant.

XV.

Vides hic, Lector benevole, exemplum fere sine exemplo, adeo præstans, notatique adeo dignum, ut vix simile quid ab alio hucusque (si illud, quod N. XVII. describitur excipias) visum aut descriptum sit, quod adeo certum, a tot testibus visum, toti urbi & Academiæ cognitum, ubi testes omnes, ubi parentes, ubi obstetrix adhuc vivunt, in quo infans tam diu vixit, vocem & vagitum per tam longum temporis spatium, non per minuta aliquot, non per dimidiā horam, ut Zellerianum, non per horam unam vel alteram, *sed per INTEGRAS NOVEM HORAS edidit*; cuius tamen pulmo, in quo nulla labes, nullus scirrus, nulla durities, nullum vitium deprehendi potuerunt, aquæ non innatavit; sed toties, quoties ei impositus vel iniectus est, fundum petiit. Ex ZELLERI exemplis primum

ex

*ex vitulo erat, qui per dimidiā tantum horā, & non diū
tius vixerat; verum hoc nostrum est ex homine, & per novem
integras horas extra uterum vixit. Alterum huius exem-
plum, aliaque, quæ a BOHNIO recensentur, non diū, sed
per breve saltem tempus, quantum ex circumstantiis & re-
lationibus coniicere licet, solum vixerant, quo parum tem-
poris ipsis ad respirandum concedebatur; nostrum vero
multo studio sovebatur, atque tam alimentis, quam medi-
camentis internis & externis, quantum fieri potuit, reso-
cillabatur & excitabatur, atque in magno conclavi, ubi aëris
non deficiebat, continebatur: cum ex aliorum exemplis qui-
dam infantes sub lecto, stragulis, feno, stramineve mox aut
saltem brevi suffocati, quidam vivi sepulti, quidam alia ra-
tione brevi intersecti sint; attamen commoda & adiumenta
hæc omnia in nostro foetu nihil efficiebant, atque pulmo
eius ad natandum omnibus his adminiculis disponi non
potuerat. Vnde præstantia nostri exempli sive observatio-
nis præ plerisque, si non omnibus aliis, cognosci facile
potest.*

XVI.

*Si quis vero quærat caussam, quare hoc factum sit, fa-
teor eam non tam facilem aut planam esse; interea tamen
quantum præ virium ingenii imbecillitate potero, in eam
paucis inquiram, meliorem huius nodi Gordii resolutio-
nem me doctioribus lubens relicturus. Infantem hunc re-
spirasse non nego, sed lubentissime concedo ac largior; quia
hoc aspectus sive visus demonstravit, & auditus vocem &
vagitus saepius percepit: attamen respiravit non forti aut
vegeta ratione, sed debili; quia infans, cum ex utero veni-
ret, tam debilis erat, ut ipsum mortuuni iudicarent D. Præ-
ses & adstantes: atque cum postea aliquo modo ad se redi-
ret, signaque vitæ per motum & vocem ederet, atque inter
hæc etiam sine dubio respiraret, hanc respirationem tamen
tam debilem fuisse existimo, ut pulmones eo usque extendere*

non potuerit, cumve ita replere, ut ad pulmonem in aqua sustinendum aut sustentandum sufficeret. Nam sciendum, *differentiam necessario esse faciendam inter respirationem vegetam, fortem ac perfectam, & inter debilem atque imperfectam*: ubi enim respiratio contingit fortis, vegeta & perfecta, ut pulmonis vesiculæ omnes vel pleræque saltem ab aëre repleantur & distendantur, ibi pulmonem ab aëre in aquæ superficie sustentari, adeoque ei innatare posse, existimo: quando vero respiratio parva ac valde debilis existit, ut vesiculæ pulmonis in tantum non impleri queant, quantum ad illud æquilibrium inter aquam & pulmones acquirendum opus est, quo pulmonem sustentare in aqua possit, non natabit, sed submergitur. Neque interesse puto, quamdiu etiam debilis illa respiratio duret, siue hoc sit per dimidiam vel unam horam vel per plures. Quando enim aër corpus quoddam in superficie aquæ sustentare debet, tanta in copia ei insit necesse est, ut proportio sit inter pulmonem & aërem. Ita enim videmus, quod si homo adultus aut puer in aquam incidat, eorum pulmones, qui ex corpore exempti ad seipso in aqua sustentandos sufficerent, ad totum hominem, licet etiam puer vel infans sit, sustentandum non sufficere, licet pulmones aëre sint quam maxime repleti. Ita si vesicæ bubulæ vel suillæ aëre distentæ, modicum pondus appenditur, & una in aquam coniicitur, illud sustinebit; quod si vero nimis magnum pondus addes, ita ut æquilibrium inter illud & corpus tollatur, vesica cum omni suo aëre non sustinebit pondus nimium, sed ab ipso submergetur, atque sub aquam trahetur. Adeoque & hic in pulmones fœtus nostri aërem quidem in respiratione & sub eiulatibus eius intrasse censeo: verum ob nimis debilem respirationem, non sufficientem, ut pulmonem sustentare valuerit. Simulac vero quis paucum adhuc aërem per fistulam in eiusmodi pulmonem inflaverit, atque sic priori iam contento plus

plus addiderit, mox in eadem aqua fluctuabit. Ita enim Cl. Dom. PRÆSES mihi retulit, se in eiusmodi pulmones, sæpius quam levissime paucissimum aërem flatu impulisse, quemadmodum etiam in his fecit, a quo vero pulmones, non nataverint; id quod vero fecerunt, si paulo fortius vel paulo maiori copia flatum immiserit: quamvis fortissima inflatione minime, sed tantum valde mediocri ad pulmonum natationem obtinendam opus sit.

XVII.

Huic denique nostræ observationi adhuc addendam merito esse censéo eam, quæ a D. MAVCHARTO describitur in *Ephemer. Natur. Curios. Cent. I. pag. 247. Observat. 121.* de pulmonibus infantis per horas octodecim extra uterum viventis & tamen submersis; quo in casu hic infans valde debilitatus fuit, ob neglectam funiculi umbilicalis ligaturam: cuius proinde pulmones, tam integri quam frustulatim in aquam, non minus copiosam, quam parcam iniecti, fundum petiere; quæ sectio & experimentum non solum testibus adstantibus legalibus factum est, sed relatio hæc etiam a Medico iurato ad concilium iustitiae deposita est. Pulmones hi, ut in relatione Medica habetur, non spongiosi erant, sed compacti & graves; ratione texturæ vero & coloris hepati fere similes. Præmittitur huic observationi adhuc alia huc faciens observatio Medici *Schondorffensis*; qui D. MAVCHARTO retulit, se sectionem infantis instituisse, ubi pulmones in aqua sint submersi: cuius tamen mater, antequam tormentis subiiceretur, infantem non solum vixisse sed & ciulasse confessa est. Ex quibus igitur observationibus perspicere & discere possunt omnes illi, qui hactenus submersionem pulmonum pro certissimo & infallibili signo habuerunt, quod ea revera sæpe fallat, & incerta sit, quicquid etiam doctissimi multi viri de ea scripserint & statuerint, ut in-

posterum cautius agant, & ne iudicia, seipsoſ alioſque ali-
ter ſentiendo & obſervationibus certiſſimis obloquendo
fallant, atque frivolas imo peſſimas infanticidas temere
abſolvant.

XVIII.

Postquam vero incertitudinem ſigni, quod ex ſubmer-
fione pulmonis deſumitur, ſatis, ni fallor, demonſtravimus,
& niſi me omnia fallant, quam certiſſime eviciimus, nunc
quoque oſtendemus, quod & natatio pulmonum in aqua non
ſit certum & infaſibile ſignum, quod fætus extra uterum vi-
verit & respiraverit, ut quamplurimi etiam ex recentiori-
bus adhuc voluerunt, a) ſed quod & interdum fallere poſſit
& revera fallat. Hoc vero, ut probem, nullis rationibus
hoc tam bene fieri poſteſt, quam obſervatione illa, quæ a
D. PRÆSIDE hic quondam in infante recens nato facta
& in programmate eius ſepiuſ citato deſcripta eſt; quam
vero obſervationem, quia programma hoc in adeo multo-
rum manibus non eſt, inde hic repetam, ut ſic fortiſſima
argumenta, non ex ratione ſed ab experientia petita, hic fi-
mul conſpici queant, quæ incertitudinem experimenti cum
pulmonibus certo certius evincant. Lubet vero hanc ob-
ſervationem ipſius D. PRÆSIDIS verbiſ deſcribere, quæ
ita fe habent:

XIX.

Die XIV mensis Julii hujus anni (nimirum MDCCXXII)
vocabar hic ad mulierem plebeiam, quæ per quinque iam dies
in partu erat versata, fætum vero eniti non poterat. Re-
media ante varia adhibita fuerunt partum promoventia ex-
terna & interna, quia fætus in ſitu erat naturali; ſed
omnia

a) Ut Doctores Lipsienses & Francofurtenses ad viadrum, SCHREY-
ERVS, SWAMMERDAMVS vid. AMMAN. prax. vulner.
lethal. pag. 411. seqq. VALENTINI pandectæ; HOORNIVS, Sue-
cvs, in ſuis epistolis ſupra titatis aliquæ.

omnia frustra. Quoniam vero parturiens ad summam erat redacta debilitatem & mortem brevi timerent ipsa & adstantes, præsertim, quia iam a biduo motum fœtus non amplius perceperat, & inde fœtum mortuum, maxime quia etiam fœtor cadaverosus ex utero proveniebat, iudicabant, partusque dolores cessabant: hinc ut manu succurrerem fœtumque mortuum extraherem, rogabant, ne mater una cum fœtu periret. Cum vero manus admoverem, capitis insignem magnitudinem, tanquam causam partus huius difficilis inveniebam: nullum arteriarum pulsum in capite, præsertim etiam in ita dicta fontanella seu fonte pulsatili percipiebam, epidermidem iam a cute recedentem, illudque adeo orificio uteri interno incuneatum deprehendebam, ut postquam multos labores frustra solis manibus adhibueram, tandem caput aperire, cerebrumque educere, & instrumento fœtum extrahere cogerer; quem etiam tandem, si capitis apertioem excipias, integrum protrahebam. Fuerat hic fœtus valde magnus, præsertim caput. Sexus erat virilis, in toto corpore fuit lividus, cuticula ubique recedebat a cute subiecta livida & viridescente, in primis vero scrotum iam totum fere putridum observabatur: quæ signa satis demonstrant, fœtum iam per aliquod tempus in utero mortuum fuisse. Dissecui vero cadaver præsentibus aliquot Medicinæ studiosis: pulmonem quoque nigricantem & flaccidum inveniebam, sicut in fœtibus, qui in utero mortui sunt, aut qui nunquam respirarunt, deprehendi ordinarie solet. Verum cum hunc pulmonem in magnam ollam aqua recenti repletam iniicerem, ea intentione, ut Auditoribus meis demonstrarem, quomodo pulmones horum fœtuum fundum peterent, contra meam adstantiumque exspectationem innatabant: & licet lobos pulmonis etiam in frusta dissecarem, nullum tamen fundum petiit, sed omnia innatarunt, sicut in eis, qui extra uterum vixerunt. Hunc vero fœtum in utero mortuum fuisse ex signis suprarecensuis, putredine, fœtore, livore, epidermidis a

cute discessu, aliisque circumstantiis satis certum est ; neque flatus ullus in pulmones hos iniectus est ; neque dici facile potest, fœtum hunc, qui orificio uteri interno, quasi incuneatus hæsit, & tam arcte constrictus fuit, ut nil, nisi bregmati regio, digitis tangi potuerit, respirare potuisse, aut respiratione : quia pulmones non rubicundum, ut ii, qui respirarunt, sed nigricantem colorem habuerunt, uterique orificium arctissime constrictum aëris ingressum impedivit.

XX.

Obiici hic forte posset, quod nonnulli fint, qui existiment, fœtus in utero mortui pulmones putrefactione ita posse mutari, ut aquæ postea innatent, eodem modo ut corpora submersorum, quæ primo submerguntur & moriuntur, postea vero post aliquot dies putrefactione in corporibus orta, & inde producta fermentatione atque expansione aëris, qui in eis fuit, corpora hæc ita expandi & levia fieri, ut ex aqua eleventur eique postea innatent. Verum licet hoc in integris corporibus ita fiat, & præsertim eorum, qui diu vixerunt & respirarunt, multumque sic aëris continent, hoc tamen in pulmonibus animalium, quæ nunquam respirarunt, haud succedere experimentis comprobavit supra laudatus eruditus Medicus Suecus Jo.von HOORN, qui in epistolis suis hac de re editis, cum controversia hæc tunc in Suecia agitaretur, evicit, pulmonem eiusmodi ex animali non nato, sive cuius pulmo in aqua non natavit, putrefactione sive corruptione non ita mutari posse, ut postea aquæ innatet; verum illos pulmones, qui non respirarunt, si aër aut flatus non fuerit immissus, etiam in & post putrefactionem non natare, sed fundum semper petere : quemadmodum huius rei ex epistolis his mentionem quoque fecerunt Acta Litteraria Sueciæ, atque nova litteraria germanice scripta, quæ Lipsiæ singulis hebdomadibus prodire solent. Imo si etiam putrefactione in utero effici posset,

posset, ut pulmo fœtus, qui non respiravit, natet, tales pulmones sic etiam observatores fallerent, ut ob natationem mortuum in utero pro vivo nato declararent, atque sic reæ iniuriam facerent, iudicibusque imponerent.

XXI.

Verum horum pulmonum natatio non a putrefactione orta esse videtur, sed potius, ut ego saltem existimo, a respiratione, quam infans hic vere in utero exercuit. Nam quamvis plerique negent, fœtum in utero respirare posse, nosque hoc etiam supra (N. IV.) negaverimus, tamen hoc non aliter intellectum esse volo, quam quatenus fœtus adhuc membranis suis includitur, ubi aërem verum ad ipsum pervenire posse nego. Quando vero in ipsius partus conatu uteri os valde dilatatum est, & membranæ fœtus rumpuntur, humores contenti effunduntur, nil video, quid aërem impedire vel arcere possit, ne per tam amplam viam, in ipsum uterum & per os fœtus in ipsos pulmones intret, imò forte sæpe cum impetu aliquo irruat; cum spatiū vacuum, quod antea humores fœtus occuparunt, replere conetur: sique tunc eo momento os fœtus aperturæ matricis sit vicinum, ut sæpe in partu fieri solet, atque etiam hic fuit, quia caput exhibebat, fœtusque præsertim fortis in nisu vel conatu versetur egrediendi, musculos respirationis movebit, pectus fortius nisu dilatabit, atque sic aër in pulmones irruet, hoc est, fœtus respirabit. Quando vero hic postea ob magnitudinem capit, ob situm incongruum, vel ob aliud impedimentum egredi non potest, ob fortem uteri constrictionem, atque diuturnam in hoc situ moram tandem ipsi est moriendum. Huius vero pulmones, licet mortuus ex utero protrahatur, quemadmodum & hic fuit protractus, postea natare poterunt, licet fœtus extra uterum non vixerit: quia eius pulmones iam tantam aëris copiam in utero acceperunt, dum adhuc viveret, quæ eorum natationem efficere potest.

XXII.

XXII.

E vicimus hucusque, ni fallor, utriusque experimenti, tam quatenus natant, quam quatenus submerguntur pulmones foetus, fallaciam & incertitudinem in quibusdam casibus. Absit tamen ut propterea experimentum hoc prorsus reiiciamus, sed potius quia saepissime veritatem docet, existimamus, illud in suspecti infanticidii casibus semper adhibendum; attamen ipsi non soli fidendum, sed cum aliis indiciis infanticidii, quae BOHNIVS in saepe laudata differentiatione, ad quam Lectorem remittimus, prudenter conferendum esse. Satis enim ex dictis patet, quam male & inconsiderate illi agerent, qui ob pulmones non natantes, mox ream, sine respectu ad alia signa, sive ad alias res circumstantes, & ubi alia gravissima indicia essent, innocentem pronunciare, eamque propterea ab ulteriori inquisitione, tortura aut poena absolvere vellent. Quemadmodum etiam illi male agerent, qui ob pulmonem natantem solum, sine aliis indiciis, mulierem talem infanticidii ream agere vellent. Ideoque media via incedendum, quia iuxta tritum, *medio tutissimus ibis*, hic optime & securissime procedimus; sic, ut ne hoc experimentum prorsus contemnamus, atque etiam ne nimium & soli ipsi fidamus. Ut enim urinæ inspectioni a prudentibus Medicis, ad morbos cognoscendos non soli fuditur, (quemadmodum non pauci agyrtæ & vulgus omnia, & nescio, quæ non absurda & absurdæ, ex ea cognosci posse sibi persuadent,) quia quam saepissime fallit; ita tamen in multis morbis, eam simul cum aliis signis & circumstantiis, optimo cum fructu simul conferunt, ad morbum eiusque statum, spem & periculum tanto melius cognoscendum, atque tanto melius dijudicandum. Hac itaque ratione quoque Medici hoc experimento, in eiusmodi casibus, uti debent, si recte, prudenter, & secundum conscientiam agere sentireque cupiunt.